



## ШХТ САММИТИ ОЛДИДАН

# Тарих саҳнидаги эврилиш: САМАРҚАНДДА ЎЗГАРАЁТГАН ДУНЁ УЧУН ЯНАДА КЕНГ ҲАМКОРЛИК РУҲИ ПАЙДО БЎЛМОҚДА

Келгуси ҳафтада қадим ва навқирон Самарқандда Шанхай ҳамкорлик ташкилоти Давлат раҳбарлари кенгашининг навбатдаги мажлиси бўлиб ўтади. Шу муносабат билан ШХТнинг бугунги фаолияти ва халқаро миқёсдаги нуфузи ҳақида баъзи маълумотларни ҳавола этамиз. ШХТ (кузатувчи ва мулоқот бўйича ҳамкорлар билан) маконида 3 миллиарддан ортиқ киши истиқомат қилади. Бу ер юзи аҳолисининг қарийб 50 фоизини ташкил этади.



Ўзбекистон ШХТнинг таъсисчи давлатларидан бири бўлиб, унинг ривожланишида салмоқли ҳисса қўшди. Хусусан, расмий Тошкент нафақат ташкилотнинг норматив-ҳуқуқий ва институционал базасини мустаҳкамлашга, балки аъзо давлатлар ўртасида турли соҳаларда ҳамкорликни кенгайтиришга ҳам эътибор қаратмоқда.

2017 йилдан бошлаб Президент Шавкат Мирзиёев раҳбарлигида Ўзбекистон ШХТ маконида ўзининг янги фаол ташки сийсатини яққол намойён қила бошлади. Ташкилотга аъзо давлатлар билан амалий ҳамкорликни кенгайтириш бўйича бир қатор долзарб ташаббуслар илгари сурилди.

Жумладан, 2017-2021 йилларда ўтган саммитларда Ўзбекистон Президенти Марказий Осиё ва бутун ШХТ маконининг транспорт-логистика салоҳиятини янада кенгайтириш, туризм соҳасида ҳамкорликни ривожлантириш, инновацион тараққиёт, ёш авлодни қўллаб-қувватлаш, минтақавий хавфсизликни таъминлашдаги ҳамкорликни янада мустаҳкамлаш каби йўналишларда жами 50 дан ортиқ тақлиф ва ташаббусларни илгари сурди.

▶ Давоми 3-бетда

## ИНТЕРВЬЮ



# ХОТИН-ҚИЗЛАР ТИНЧЛИК, ТАРАҚҚИЁТ ЙЎЛИДА ЯҚДИЛ ВА ҲАМНАФАС

Тошкентда Парламентларо иттифоққа аъзо мамлакатлар парламентлари аёл раҳбарларининг 14-саммити бўлиб ўтди

Саммитда пандемия оқибатида дунёда юзага келган жиддий ижтимоий ва иқтисодий инқирозлар, хусусан, янги хавф-хатарларни бартараф этиш бўйича конструктив тақлифлар ишлаб чиқилди, уларни биргаликда амалга ошириш бўйича таъсирчан чора-тадбирлар белгилаб олинди.

Саммит якунлари бўйича Тошкент декларацияси қабул қилинди.

Мухбиримиз тadbир иштирокчиларидан айримларининг таассуротлари ва фикр-мулоҳазаларини ёзиб олди.

▶ Давоми 3-бетда

Орадан йиллар, асрлар ўтади. Лекин миллий давлатчилигимизни, ўзлимиз ва инсоний ҳақ-ҳуқуқларимизни тиклаб берган, барча ютуқ ва марраларимизнинг замири бўлган Мустақиллик куни биз учун, келгуси авлодларимиз учун доимо энг улуг, энг азиз байрам бўлиб қолади.

Шавкат МИРЗИЁЕВ,  
Ўзбекистон Республикаси Президенти

## ТАРАҚҚИЁТ СТРАТЕГИЯСИ

# ЯНГИ ЎЗБЕКИСТОН ДАВЛАТЧИЛИГИ: БУГУН ВА ИСТИҚБОЛ

Мамлакатимизда демократик Янги Ўзбекистон давлатчилигини янада чуқур раванқ топтириш ва мустаҳкамлаш учун, Президентимиз таъбири билан айтганда, "...ўтиш даври — кураш даври. Яъни ҳаётимизни ўзгартириш, дунё бозорида ўрнимизни топшиш учун курашимиз, манфаат берадиган ишни қилишимиз керак". Бугун бозор муносабатларига асосланган демократик, ҳуқуқий, фуқаролик жамияти, бошқача айтганда, озод ва обод Ватан, эркин ва фаровон ҳаёт барпо қилиш йўлидан кетаётган мамлакатимиз янги тарихи зарҳал ҳарфларда битилмоқда.



▶ Давоми 4-бетда

## ЯНГИЧА ЁНДАШУВЛАР

# УНУМДОР ТУПРОҚ – СИФАТЛИ МАҲСУЛОТ

Ер тириклик манбаи. Тупроқнинг устуви қатламида доимо ҳаёт қайнайди, унда ўсимликлар олами, ҳайвонот ва инсоният дунёси яшайди. Ернинг ҳамшиша унумдор бўлиши одамзоднинг фаровон ҳаётини таъминлайди. Бироқ кейинги йилларда тупроқлар табиий ва сунъий омиллар таъсирида деградацияга учраётгани сир эмас. Бу дунё мамлакатлари олдига энг долзарб масалалардан бири бўлган озиқ-овқат хавфсизлигини таъминлаш, бунинг учун тупроқлар сифати ва унумдорлигини ошириш вазифасини қўймоқда.

▶ Давоми 2-бетда

## ПРЕЗИДЕНТ ТАШАББУСЛАРИ — АМАЛДА

Сурхондарёнинг ўнг ирмоғи саналмиш Тўпаланг дарёси Ҳисор тоғларининг денгиз сатҳидан 3800 метр баландлигида жойлашган Ҳазрати Султон қор ва музликларидан бошланади. Узунлиги 124 километр. У қор, ёмғир, муз ва ер ости сувларидан тўйинади ва ўз оқими бўйлаб ўнларча ирмоқ, сой ва булоқлар суви ҳисобига кенгайиб боради. Суви эрта баҳордан то ёзгача кўпаяди, кейин секин-аста камаё бошлайди. Январда дарё суви оқими сониясига 11,5 куб метрни ташкил этса, июнь ойида, яъни дарё тошган даврда 144 куб метрга етади.

Дарё номи бежиз Тўпаланг дейилмаган. Баъзилар уни бебош ва саркаш дарё ҳам деб атайди. Чунки баланд тоғлардан бошланиб, тор даралардан катта тезлик ва шиддат билан оқади.

Ўтган асрнинг саксонинчи йиллари ўртасигача айни баҳор ойларида Тўпалангнинг суви тошиб, халқ

# АСРИЙ ОРЗУЛАР УШАЛМОҚДА



ҳўжалигига катта зарар етказарди. Дарё суви шаштини пасайтириш, экин майдонлари, йўллар ва кўприкларга зиён етказишининг олдини

олиш мақсадида ташкилотлар, корхоналар, хўжалиқлар техника ва одамларни сафарбар қилиб, тўғонлар барпо этишарди.

▶ Давоми 2-бетда

## РАҚС САҲЪАТИ

# Сурдарёнинг сеҳрали "сават"лари

Ўзбек тупроғида қадим замонлардан ривожланиб келган мусиқа, бахшичилик, айниқса, фольклор рақслари теран моҳияти, соф халқона ижро услублари билан томошабинни ҳайратга солади. Айниқса, болалар фольклор рақслари эстетик завқ бериш баробарида худди алла, эртақ ва дostonлар каби ёш авлодни ҳаётга тўғри муносабатда бўлишга, табиатни севиш ва ардоқлашга, юрт тарихини ўрганиш ва кадрлашга ўргатади. Айни пайтда уларнинг дунёқарашини шакллантиришга хизмат қилиши билан алоҳида аҳамиятга эга.

▶ Давоми 6-бетда











